

史記會注考證



第四卷



司馬遷 著
[日]泷川資言
會注考證

史記會注考證卷二十三

漢太史令司馬遷撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

日本出雲瀧川資言考證

禮書第一

史記二十三

索隱 書者五經六籍總名也此之八書記國家大體班氏謂之志志記也正義天地位日月明四時序陰陽和風雨節羣品滋茂萬物宰制君臣朝廷尊卑貴賤有序咸

謂之禮、五經六籍、咸謂之書、故曲禮云、道德仁義、非禮不成、教訓正俗、非禮不備、分爭辯訟、非禮不決、云云、考證史公自序云、維三代之禮、所損益各殊、務然要以近情、性通王道、故禮因人質爲之節文、畧協古今之變、作禮書第一、錢大昕曰、張晏謂禮書樂書遷沒之後亡、今二篇俱有、今上即位之文、似非褚先生所補、陳仁錫曰、禮樂二書、殘篇斷簡、首序蓋太史公草具未成者、楊慎曰、自禮由人起、至儒墨之分一段、荀子禮論之文中、問治辨之極也、至刑錯而不用一段、荀子議兵篇答陳轅之文、後自天地者生之本也、至終篇亦皆禮論之文、乃斷至矣哉之上、加太史公曰、此小司馬謏其率略、燕陋、其爲褚少孫補明矣、愚按禮由人起以下後人妄增、但未可必定爲褚少孫、趙翼曰、八書史遷所創、以紀朝章國典、漢書因之作十志、律歷志則本於律書、歷書也、禮樂志則本於禮書、樂書也、食貨志則本於平準書也、郊祀志則本於封禪書也、天文志則本於天官書也、溝洫志則本於河渠書也、此外又增刑法五行地理藝文四志、

太史公曰。洋洋美德乎。宰制萬物、役使羣衆。豈人力也哉。

索隱洋洋、音羊、洋洋、美盛貌、都誕生音翔、正義言天地宰制萬物、役使羣品、順四時而動、咸有成功、豈藉人力營爲哉、是美善盛大衆多之德也、故孔子曰、四時行焉、百物生焉、考證方苞曰、言禮爲洋洋美德、其宰制萬物、役使羣衆、皆天理之自然、豈人力所強設哉、役使羣衆者有禮、而羣衆爲所運動也、中井積德曰、洋洋美德者、美禮也、非頌天地、宰制亦是、役使亦是、

余至大行禮官、觀三代損益、乃知緣人情而制禮、依

人性而作儀其所由來尚矣。

索隱大行秦官主禮儀漢景帝改曰大鴻臚鴻臚掌九賓之儀也。

人道

經緯萬端規矩無所不貫誘進以仁義束縛以刑罰故德厚者位尊祿重者寵榮所以總一海內而整齊萬民也人體安駕乘爲之金與錯衡以繁其飾。

集解周禮王之五路有金路鄭玄曰以金飾諸木。

索隱錯鑲鑲衡軛爲文飾也詩

曰約軛錯衡毛傳云錯衡文衡也。正義乘時證反爲于僞反錯作鑲七公反。

目好

五色爲之黼黻文章以表其能。

考證白與黑謂之黼其狀斧形黑與青謂之黻其狀兩己相背文作亞愚按阮元

云兩己相背當作兩弓相背說見秦紀黼黻衣裳之文猶今日用口工二已等諸文其曰取斷割之義曰取背惡向善之義者後人附會之說耳能讀爲態。

耳樂

鐘磬爲之調諧八音以蕩其心。

考證八音金石絲竹匏土革木蕩蕩滌之蕩樂書云蕩滌邪穢。

口甘

五味爲之庶羞酸鹹以致其美。

集解周禮曰羞用百有二十品鄭玄曰羞出于牲及禽獸以備其滋味謂之庶羞

鄭衆曰羞者進也。

情好珍善爲之琢磨圭璧以通其意故大路越席

集解服虔曰大路祀天車也越席結括草以爲席也王肅曰不緣也**正義**按括草蒲草越戶括反

皮弁布裳

集解周禮曰王視朝則皮弁之服

正義鄭玄曰皮弁之服十五升白布衣素積爲裳也按裳積素布而爲裳也

朱弦洞越

集解鄭玄曰朱弦練朱絲弦也越瑟底

孔大羹玄酒

集解鄭玄曰大羹肉清不調以鹽菜也玄酒水也

所以防其淫侈救其彫敝

索隱彫謂彫飾也言彫飾是奢侈之弊也

是以君臣朝廷尊卑貴賤之序下

及黎庶車輿衣服宮室飲食嫁娶喪祭之分事有宜適物有

節文仲尼曰禘自既灌而往者吾不欲觀之矣

集解孔安國曰禘祫之禮爲序昭

穆也故毀廟之主及羣廟之主皆合食于太祖灌者酌鬱鬯灌于太祖以降神也既灌之後列尊卑序昭穆而魯逆祀躋僖公亂昭穆故不欲觀之

正義仲尼曰見于論語八佾

篇禮禘者諦也言使昭穆之次審諦而不亂也與祫祭合食于太祖者異不欲觀之言其非禮也

周衰禮廢樂壞大小相踰

管仲之家兼備三歸

集解包氏曰三歸娶三姓女也婦人謂嫁曰歸

得儉方苞曰於諸侯之僭舉魯秉禮之國也於大夫舉管仲賢大夫也愚按三歸詳管晏傳

循法守正者見侮於世奢

溢僭差者謂之顯榮。自子夏門人之高弟也。猶云。出見紛華

盛麗而說。入聞夫子之道而樂。二者心戰。未能自決。索隱言子夏是孔

子門人之中高弟者。謂才優而品第高也。故論語四科有文學。子游子夏也。而況

中庸以下。漸漬於失教。被服於成俗乎。孔子曰。必也正名於

衛。所居不合。集解論語曰。子路曰。衛君待子而為政。子將奚先。子曰。必也正名乎。馬融曰。正百事之名。仲尼

沒後。受業之徒。沈湮而不舉。或適齊。楚。或入河海。豈不痛哉。

正義論語云。大師摯適齊。亞飯干適楚。鼓方叔入于河。少師陽。擊磬襄入于海。魯哀公時。禮壞樂崩。人皆去也。考證論語微子篇張文虎曰。師摯諸人。雖非弟子。而當孔子反

魯正樂。或得奉教。左右執弟子禮。未可知。觀語魯大師樂及韓詩外傳。師襄稱夫子可觀。至秦有天下。悉內六國禮儀。

采擇其善。雖不合聖制。其尊君抑臣。朝廷濟濟。依古以來。

正義秦采擇六國禮儀。尊君抑臣。朝廷濟濟。依古以來。典法行之。考證濟濟。多威儀也。至于高祖光有四海。叔孫

通頗有所增益減損。大抵皆襲秦故。集解應劭曰抵至也瓚曰抵歸也索隱按大抵猶大略也臣瓚

以抵訓為歸則是大略大歸其義通也自天子稱號下至佐僚及宮室官名少所變

改。正義稱尺證反孝文卽位有司議欲定儀禮。孝文好道家之學

以為繁禮飾貌無益於治。躬化謂何耳。正義孝文本紀云上身衣弋綈所幸慎夫人令衣不曳

地韓帳不得文繡治霸陵皆以瓦器是躬化節儉謂何嫌耳不須繁禮飾貌也考證中井積德曰躬化謂何耳猶言顧躬化如何耳故罷去之。孝

景時御史大夫鼂錯明於世務刑名。考證鼂錯傳鼂錯學申商刑名於軹張恢生所愚按刑名猶言名

實也刑形通以名正形也數干諫孝景曰諸侯藩輔臣子一例。古今之制也。

今大國專治異政不稟京師恐不可傳後。考證干干冒之干孝景用其

計而六國畔逆。正義吳楚趙菑川濟南膠西為六國也齊孝王狐疑城守三國兵圍齊齊使路中大夫告天子故不言七國也考證梁玉繩曰

六乃七字之誤正義甚謬以錯首名。天子誅錯以解難。正義上紀貫反下乃憚反事在袁

盜語中。

考證事見袁龍合傳

是後官者、養交安祿而已。莫敢復議。今上

卽位、招致儒術之士、令共定儀。十餘年不就。或言古者太平、

萬民和喜、瑞應辨至。

正義辨音遍

乃采風俗、定制作。上聞之、制詔

御史曰：蓋受命而王、各有所由興、殊路而同歸。

考證易繫辭傳、天下同歸而殊塗、

一致而百慮

謂因民而作、追俗爲制也。議者咸稱太古、百姓何望。

漢亦一家之事。典法不傳、謂子孫何。化隆者閎博、治淺者褊

狹。可不勉與。

考證岡白駒曰：百姓何望、非百姓所望也。

乃以太初之元、改正朔、易服

色、封太山、定宗廟百官之儀、以爲典常、垂之於後云。

集解應劭曰：初用

夏正、以正月爲歲首、改年爲太初、考證以上禮書序、其曰事在袁盎語中、曰今上卽位、爲史公手筆無疑、以下後人雜采荀子禮論議兵二篇妄增。

禮由人

起。人生有欲、欲而不得、則不能無忿。忿而無度量、則爭。爭則

亂。

正義爭音諍。考證荀子禮論篇忿作求，度量下有分界二字。

先王惡其亂，故制禮義以養人。

之欲，給人之求，使欲不窮於物，物不屈於欲。

正義屈，羣物反。考證凌稚隆曰：義

下一本有分之二字，愚按荀子有以分之三字，楊倞曰：屈竭也。

二者相待而長，是禮之所起也。

考證荀子

二作兩，待作持，此似長。

故禮者養也。稻粱五味，所以養口也；椒蘭芬蒳，所以

以養鼻也。

案蒳，音止，又昌改反。

鐘鼓管弦，所以養耳也；刻鏤文章，所以

養目也。疏房牀第几席，所以養體也。

集解服虔曰：養謂之第。案疏謂憲也。正義疏謂憲也，第側

里反。考證荀子，蒳作蒳，席作筵。楊倞曰：疏房，通明之房也。

故禮者養也。君子既得其養，又好其

辨也。所謂辨者，貴賤有等，長少有差，貧富輕重皆有稱也。

考證荀子，辨作別。楊倞曰：稱謂各當其宜。

故天子大路越席，所以養體也。

正義謂蒲草為席，既絮

且柔，絮可以祀神，柔可以養體也。

側載臭蒳，所以養鼻也。

案蒳，劉氏云：側，特也；臭，香也；蒳，香草也。言天子行，特得以香草自

隨也其餘則否臭爲香者山海經云臭如麝蕪易曰其臭如蘭是臭爲草之香也今以側爲邊側載者置也言天子之側常置芳香於左右臭荀子作罌皋同中井積德曰

側載謂側置車中前有錯衡所以養目也集解詩云約軛錯衡毛傳云錯衡文衡也

和鸞之聲集解鄭玄曰和鸞皆鈴也所以爲車行節也韓詩內傳曰鸞在衡和在軾前升車則馬動馬動則鸞鳴鸞鳴則和應服虔曰鸞在鑣和在衡續漢書與服志曰鸞雀立衡也

正義皇侃云鸞以金爲鸞懸鈴其中於衡上以爲遲疾之節所以正威儀行舒疾也步中武象驟中韶濩所以養

耳也集解鄭玄曰武武王樂也象武舞也韶舜樂也濩湯樂也正義步猶龍旂

九旂所以養信也集解周禮曰交龍爲旂正義旂音旂寢兕集解按以兕牛皮爲席似

牛考證持虎索隱持虎者以猛獸皮文飾倚較及伏軾故云持虎劉氏云畫之寢兕伏兕於旂竿及楯仗等以今所見爲說也考證盧文弨曰持當作特字

之誤也寢兕特虎謂畫輪爲飾也劉昭注輿服志引古今注武帝天漢四年令諸侯王朱輪特虎居前左兕右麋小國朱輪畫特熊居前寢麋居左右白虎通亦曰朱輪特熊居前

寢麋居左右此謂朱輪每輪畫一虎居前兕麋在兩旁卻後而相並故虎稱特左右謂每輪兩旁也寢伏也大國畫特虎兕麋不寢小國則畫特熊二寢麋無兕天子乘輿蓋畫二

寢兕居輪左右畫特虎居前歟此段若膺說

蛟韞集解徐廣曰蛟魚皮可以飾服器音交韞者當馬腋之革音呼見反考證以蛟魚皮飾韞馬腹帶

也。考證荀子鮫作蛟。楊倞曰：蓋象蛟形。盧文弨曰：楊說與下文虎兕龍一例。勝徐說。愚按：左傳晉車七百乘，鞹鞹鞹鞹，注在背曰鞹，在腹曰鞹。彌龍。集解徐廣

曰：乘與車金薄，璆龍爲輿，倚較，文虎伏軾，龍首衡軛。索隱彌亦音弭，謂金飾衡軛爲龍，此皆王者服御崇飾，所以示威武，故云。所以養威也。此文皆出大戴禮，蓋是荀卿所說。劉

氏云：薄猶飾也。璆然，龍貌。璆音虬。考證盧文弨曰：徐說得之。文虎伏軾，龍首衡軛，此徐引古類及之，非正釋也。索隱皆出大戴禮，五字疑誤。所以養威

也。故大路之馬，必信至教順，然后乘之。所以養安也。考證王先謙曰：信

至，謂馬調良之極。荀子作倍良，形近而譌。岡白駒曰：順與馴通。孰知夫士出死要節之所以養生也。

索隱言人誰知夫志士推誠守死要立名節，仍是養生安身之本。故下文云：人苟生之爲見者，必死是解上意。言人苟以貪生之爲見，不能見危致命，若者必死，若猶如也。言執

心爲見如此者，必刑戮及身，故云必死。下文皆放此也。集解夫音扶，要音腰，孰知猶審知也。出死猶處死也。審知志士推誠處死，要立名節，若曹沫茅焦所以養生命也。考證

荀子無士字，此誤衍。孰知，索隱是。中井積德曰：出死猶授命也。意謂出死要節，若可以死而却以得生也。愚按：也讀爲邪下同。孰知夫輕費用

之所以養財也。正義費音芳，味反。輕猶薄，言審知輕薄費用，則能畜聚，所以養財貨也。考證李笠曰：輕費用者，謂不以財用爲重，而以禮義爲

務也。中井積德曰：輕猶不吝也。是謂予之爲取之。孰知夫恭敬辭讓之所以養安也。正義言審知恭敬

辭讓所以養體安身考證中井積德自養安謂所以爲安也非兩項

孰知夫禮義文理之所以養情也

正義言審知禮義文章道理所以養其情性此四科是儒者有禮義故兩得之也

正義苟且

若如此也言平凡好生之人且見操節之士以禮義處死養得其生有效如此者必死也

考證

中井積德曰苟生之爲見猶言唯生是視也謂一於此而他無所顧也下文倣此

愚按與出死要節反苟利之爲見若者必害

正義言平凡好利之人且見利義之士以輕省費用養得其財有效如此者必害

身也考證中井積德曰唯利是視之人害必至焉愚按與輕用相反

怠情之爲安若者必危

正義惰徒臥反言平凡

怠情之人且見有禮之士以恭敬禮讓養得安樂有效如此者必危亡也

情勝之爲

安若者必滅

深隱

覆解上禮義文理之所以養情也正義勝音叔證反言平

滅亡也此四科是墨者無禮義故兩失之也考證與禮義文理相反中井積德曰情勝謂恣情任欲也凌稚隆曰一本作情性愚按王本慶長本作情性正與下文合

故

聖人一之於禮義則兩得之矣一之於情性則兩失之矣故

儒者將使人兩得之者也墨者將使人兩失之者也深隱墨者不尙禮

義而任儉嗇無仁恩故使人兩失之易曰悅以使人人忘其死是也

是儒墨之分

儒墨之分扶問反分猶等也若儒等者是治辨之極彊固之本威行

之道功名之總則天下歸之矣

考證分別以上采荀子禮論篇文荀子分下有也字

治辨之極也彊固之本也

考證自此已下皆是儒分之功也正義固堅固也言國以禮義四方欽仰無有攻伐故爲彊而且堅固之本也

考證荀子議兵篇韓詩外傳四治上有禮者二字固作國愚

按治辨彊固對言

威行之道也

正義以禮義導天下天下伏而歸之故爲威行之道也

功名之總也

正義以禮

義率天下天下咸遵之故爲功名之總總合也聚也考證外傳總作統王公由之所以一天下臣諸侯也

弗由之所以捐社稷也

正義言由禮義也考證荀子外傳捐作隕

故堅革利兵不

足以爲勝

考證覆上功名之總也考證荀子外傳革作甲外傳勝作武

高城深池不足以爲固嚴

令繁刑不足以爲威由其道則行不由其道則廢楚人鮫革

犀兕所以爲甲堅如金石宛之鉅鐵施鑽如蠶蠶

正義徐廣曰大剛曰鉅

考證鑽謂矛刀及矢鏃也宛城今鄧州南陽縣城是也晉於元反鉅剛鐵也楊

倖注云，鉞與鏑同，矛也。正義以鐵斷句，誤。王先謙曰：索隱以施屬下讀，例以。輕利剽

速卒如燁風。

正義：剽，疾也。卒，村忽反。燁，必遙反。燁風，疾也。

然而兵殆於垂涉，唐

昧死焉。

正義：許慎曰：垂涉，地名也。垂涉，當依荀子外傳作垂沙。楚策云：垂沙之事，死者以千數。漢地理志：沛國有垂鄉、楊、倖曰：史記楚懷王二十八年，

秦與齊、韓、魏共攻楚，殺楚將唐

莊躡起，楚分而為四。

正義：躡，音其。起，兵楚將之名。言其起兵

亂後，楚遂分為四。按漢志：漢王莊躡之後也。正義：以起字為絕句，或曰：楚莊王苗裔也，按括地志云：師州黎州在京西南五千六百七十里，戰國楚威王時，莊躡王滇則為滇國

之地。楚昭王徙都郢，莊躡王滇。楚襄王徙都陳，楚考烈王徙都壽春，咸被秦逼，乃四分也。然昭王雖在莊躡之前，故荀卿兼言之也。正義：館本考證云：唐無師州地理志云：黎州

至京師二千九百五十里。

參是豈無堅革利兵哉。

正義：參者，驗也。言驗是，楚豈無利兵哉。正義：參，七合反。言躡楚

國豈無堅甲利兵哉，為其不由禮義，故衆分也。正義：荀子外傳四參作三四，陳仁錫曰：楚分為四參句，參與三同。荀子作三四，尤明索隱參是二字連讀，非也。

其所

以統之者，非其道故也。汝穎以為險。

正義：括地志云：汝水，源出汝州魯山縣西伏牛山，亦名猛山。汝水

至豫州郟城縣，名汝水。爾雅云：河有汝，汝有汝，亦汝之別名。穎水，源出洛水嵩高縣東南三十五里，陽乾山，俗名穎山。地理志：高陵山，汝出東南，至新蔡縣入淮。陽乾山，穎水出東南

至下蔡入淮也。考證
外傳汝穎作汝淮。

江漢以爲池。

正義江卽岷江從蜀入楚在荊州南漢江從漢中東南入江四水爲楚之險固也。

阻之以鄧林。

集解

山海經曰夸父與日逐走日入渴欲得飲飲於渭河不足北飲大澤未至道渴而死弃其杖化爲鄧林。謂鄧林後遂爲林名。

索隱按裴氏引山海經以爲夸父弃杖爲鄧林其言北飲大澤蓋非在中國也。劉氏以爲今襄州南鳳林山是古鄧祁侯之國在楚之北境故云阻以鄧林也。考證荀子外傳

限阻作

緣之以方城。

正義括地志云方城房州竹山縣東南四十一里其山頂上平四面險峻山南有城長十餘里名爲方城卽此山也。

考證左傳僖四年楚屈完曰楚國方城以爲城漢水以爲池。

然而秦師至鄢郢舉若振槁。

索隱振動也。擊也。

槁乾葉也。正義鄢音鄆括地志云故城在襄州安養縣北三里古鄢子之國鄢之南鄢也。又率道縣南九里有故鄢城漢惠帝改曰宜城也。鄢城荊州江陵縣東北六里卽吳公

子光伐楚楚平王恐城郢者也。又楚武王始都郢絕南故城是也。在江陵北十五里也。考證荀子至下有而字外傳有於字楊倞曰謂白起伐楚一戰舉鄢郢也。中井積德曰

槁枯木也。振搖枯木則葉墜不勞力也。

是豈無固塞險阻哉。其所以統之者非其道

故也。紂剖比干囚箕子爲炮烙刑殺無辜。時臣下懷然莫必

其命。

索隱言無人必保其性命。考證烙當作格說見殷紀懷然畏也。

然而周師至而令不行乎下。

不能用其民。是豈令不嚴、刑不峻哉。其所以統之者、非其道故也。古者之兵、戈矛弓矢而已。然而敵國不待試而誅。集解徐廣

曰試一作誠也。正義

城郭不集、溝池不掘、固塞不樹、機變不張。

正義掘求勿反。又求厥反。考證荀子集作辨。楊倞曰：辨治也。掘荀子作拊。當作相與掘同。

然而國晏然不畏外而固

者、無他故焉。明道而均分之。

正義分扶問反。言明儒墨之分。使禮義均等。則下應之如影響耳。考證荀子而固作

而明內。史記爲長岡白駒曰：分如字。正義非是。久保愛曰：道謂禮義也。王制篇云：制禮義以分之。荀子均分作分。鈞時使而誠愛之、則下

應之如景響。有不由命者、然後俟之以刑、則民知臯矣。

正義事君

以禮義民有不由禮義者。然後待之以刑。則民之罪伏刑矣。考證中井積德曰：不由命謂不遵上之教令也。

故刑一人而天下服

臯人不尤其上。知臯之在己也。是故刑罰省、而威行如流。無

他故焉。由其道故也。故由其道則行、不由其道則廢。

考證荀子無故由